



Broj: 14-11-4-13232-9/20
Zenica, 03.09.2020.godine

Na osnovu člana 70. i člana 89. Zakona o javnim nabavkama («Službeni glasnik BiH», broj: 39/14) i Zapisnika o pregledu i ocjeni ponuda, broj: 14-11-4-13232-8/20 od 02.09.2020. godine, u postupku javne nabavke „Nabavka, isporuka i instalacija računarske i ostale opreme za potrebe Zeničko-dobojskog kantona“, direktor Službe za zajedničke poslove Zeničko-dobojskog kantona, donosi:

ODLUKU **o izboru najpovoljnijeg ponuđača**

1. Prihvata se preporuka Komisije za javnu nabavku iz Zapisnika broj: 14-11-4-13232-8/20 od 02.09.2020. godine i ugovor za „Nabavku, isporuku i instalaciju računara i ostale opreme za potrebe Zeničko-dobojskog kantona“, dodjeljuje se ponuđaču: TIME CODE d.o.o. Sarajevo, kao kao jedinom prihvatljivom i najbolje ocijenjenom ponuđaču, sa cijenom od 17.034,00 KM bez PDV-a.
2. Ponuđač kojem se dodjeljuje ugovor dužan je dostaviti dokumente iz člana 45., 46. i 47. Zakona o javnim nabavkama navedene u tački 3.1., 3.2. i 3.3. Tenderske dokumentacije, u roku od 5 (pet) dana od prijema Odluke o izboru najpovoljnijeg ponuđača.
3. Nakon pravosnažnosti ove Odluke, izabranom ponuđaču iz tačke 1. ove Odluke dostavit će se prijedlog ugovora o nabavci.
4. Ova odluka objavit će se na web-stranici <http://www.zdk.ba/> istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama. Ova odluka dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.
5. Za realizaciju ove Odluke zadužuje se Služba za zajedničke poslove.

O b r a z l o ž e n j e

Postupak javne nabavke „Nabavku, isporuku i instalacija računarske i ostale opreme za potrebe Zeničko-dobojskog kantona“ pokrenut je donošenjem Odluke o pokretanju postupka broj: 14-11-4-13232/20 od 06.08.2020. godine.

Javna nabavka je provedena po konkurentskom zahtjevu za dostavu ponuda sa predviđenim provođenjem postupka e-Aukcije putem portala za Javne nabavke BiH. Procijenjena vrijednost nabavke je 17.100,00 KM bez PDV-a.

Dana 18.08.2020.godine objavljena je tenderska dokumentacija na portalu Agencije za javne nabavke istovremeno sa objavom Obavještenja o nabavci, pod brojem: 771-7-1-26-3-17/20. Do 22.08.2020. godine, sa “Portala javnih nabavki BiH” www.ejn.gov.ba, tendersku dokumentaciju su preuzela 32 ponuđača (Izveštaj o preuzimanju tenderske dokumentacije od strane ponuđača preuzet sa Portala javnih nabavki BiH).

Kriterij za dodjelu ugovora je najniža cijena tehnički zadovoljavajuće ponude, sa svim popustima i bez PDV-a.

Ponude su blagovremeno dostavili sljedeći ponuđači: EMADO d.o.o. Sarajevo, TIME CODE d.o.o. Sarajevo, PLAN PLUS d.o.o. Zenica i ITD d.o.o. Sarajevo.

Komisija za provođenje postupka javne nabavke izvršila je detaljnu analizu blagovremeno pristiglih ponuda, te utvrdila sljedeće:

- Odbacuje se ponuda EMADO d.o.o. Sarajevo iz razloga što ponuđač nije izvršio ispravke u ponudi u skladu sa članom 18. stav 1. tačka (m) Uputstva za pripremu modela tenderske dokumentacije, konkretno u Aneksu VI – Pismena izjava iz člana 52. Zakona o javnim nabavkama, u dijelu u kojem se upisuje sjedište privrednog društva ili obrta ili srodne djelatnosti, na način da je ispravka izvršena korektorom, a preko upisano sjedište, te ispravljeni podaci nisu vidljivi.
- Odbacuje se ponuda PLAN PLUS d.o.o. Zenica iz razloga što ponuđeni model laptopa, za stavku 2. iz Aneksa III – Obrazac za cijenu ponude, Dell Latitude 3510 ne zadovoljava uslove iz tehničke specifikacije. Naime, isti ne posjeduje optički pogon: DVD $\pm$ RW. Provjerom na zvaničnim stranicama proizvođača utvrđeno je da se navedeni model laptopa ne proizvodi sa mogućnošću ugradnje optičkog uređaja. Također, ponuđač je u svojoj ponudi dostavio tehničke specifikacije navedenog modela laptopa u kojima je na strani 89. ponude za stavku optički uređaj navedeno sljedeće: „Optical Drive Options – External Options Only“, što znači da je proizvođač za navedeni model laptopa predvidio jedino mogućnost korištenja eksternog USB DVD uređaja, što nije traženo tehničkom specifikacijom propisanom u Tenderskoj dokumentaciji.
- Odbacuje se ponuda ITD d.o.o. Sarajevo iz razloga što ponuđač nije dostavio jedan original i jednu kopiju ponude, odnosno dostavio je samo original ponude, što nije u skladu sa tačkom 4.2. tenderske dokumentacije.

Imajući u vidu naprijed navedeno ponude ponuđača EMADO d.o.o. Sarajevo, PLAN PLUS d.o.o. Zenica i ITD d.o.o. Sarajevo odbacuju se u skladu sa članom 68. stav (4) tačka i) Zakona o javnim nabavkama jer iste ne ispunjavaju zahtjeve iz tenderske dokumentacije.

S obzirom da je za ovaj postupak je bila predviđena e-Aukcija, a da je primljena samo jedna prihvatljiva ponuda, shodno članu 3. stav (3) Pravilnika o uslovima i načinu korištenja e-Aukcije („Službeni glasnik Bosne i Hercegovine“, broj: 66/16), e-Aukcija se nije mogla zakazati, te će predmetni postupak biti okončan u skladu sa članom 69. Zakona o javnim nabavkama („Službeni glasnik Bosne i Hercegovine“, broj: 39/14).

Uzimajući u obzir sve gore navedeno, te da je ponuda ponuđača TIME CODE d.o.o. Sarajevo prihvatljiva prema obliku, sadržaju i potpunosti, Komisija je dala preporuku Ugovornom organu da ugovor za Nabavku, isporuku i instalaciju računarske i ostale opreme za potrebe Zeničko-dobojskog kantona dodijeli ponuđaču TIME CODE d.o.o. Sarajevo, kao jedinom prihvatljivom i najpovoljnijem ponuđaču u postupku javne nabavke.

Kako u postupku ocjene provedenog postupka nabavke nisu utvrđeni razlozi, nepravilnosti ili propusti u radu Komisije, a koji bi eventualno bili osnov za neprihvatanje preporuke Komisije, to je cijeneći sve naprijed navedeno odlučeno kao u dispozitivu ove Odluke.

Pouka o pravnom lijeku

Protiv ove Odluke može se izjaviti žalba u roku od 5 (pet) dana od dana prijema ove odluke. Žalba se izjavljuje Uredu za razmatranje žalbi, putem ovog ugovornog organa, u pisanoj formi na način propisan članom 99. Zakona o javnim nabavkama.

Dostavljeno: 4x Ponuđači
1x tenderska dokumentacija *BSL*

9

